



RESOLUCIÓN DE ALCALDÍA: PISCINA ROCHEIRA 2024
EXPEDIENTE: 2024/G003/000579

ANTECEDENTES:

O Concello de Coristanco pretende a apertura das instalacións da piscina na tempada do verán 2024.

O presente decreto ten por obxecto a regulación hixiénico sanitaria da piscina de uso colectivo que ten a súa localización en A Rocheira, no Concello de Coristanco, así como o réxime de autorización e inspección das mesmas, sen prexuízo do que dispoñan outras normas que, con carácter concorrente, poidan serlles de aplicación.

O ámbito de aplicación do presente decreto esténdese á piscina de uso colectivo de titularidade municipal, sita no lugar de A Rocheira no Concello de Coristanco.

Seguiranse os criterios hixiénicos sanitarios establecidos no capítulo III, artigo 12 , 13 e 14 do DECRETO 119/2019, do 19 de setembro , polo que se regulan os criterios hixiénicos sanitarios das piscinas de Galicia, da Consellería de Sanidade da Xunta de Galicia

A estes efectos, en tanto non se aproba o regulamento da instalación, establécense unhas normas de uso e recomendacións para a convivencia e disfrute das instalacións en condicións de seguridade e salubridade.

Por todo o que antece, en uso das atribucións que me confire a Lei 7/19815, do 2 de abril, reguladora das bases do réxime local, **RESOLVO:**

PRIMEIRO.- Aprobar as seguintes recomendacións e instrucións para o uso das piscinas:

1. Persoal:

1) Como regra xeral, e facendo referencia ao capítulo IV no artigo 15 do DECRETO 119/2019, de 19 de setembro , polo que se regulan os criterios hixiénicos sanitarios das piscinas de Galicia, da Consellería de Sanidade da Xunta de Galicia, as piscinas de uso público deberán dispor como mínimo de unha persoa socorrista. No caso das piscinas con lámina de auga entre 500 e 1000 metros cadrados o número mínimo de socorristas será de dous. E no suposto de que a separación física entre os vasos que conforman a instalación da piscina non permita a súa vixilancia eficaz, será obrigatoria a presenza dunha persoa socorrista en cada un dos vasos.

2) A titulación das persoas socorristas será a establecida no Decreto 104/2012, do 16 de marzo, polo que se fixa a formación mínima dos socorristas acuáticos e se crea e se regula o rexistro profesional dos socorristas acuático de Galicia ou normativa que o substitúa. A ausencia de inscrición en dito rexistro determinará o incumprimento da obriga que se refire o punto 1.

3) A persoa socorrista permanecerá nas instalacións durante todo o tempo que se atope aberta ao público.

4) A persoa socorrista levará unha vestimenta axeitada, estará debidamente identificada durante todo o tempo que a piscina este aberta ao público.



2. Elementos de seguridade nas instalacións:

- 1) Na piscina existirá obrigatoriamente un teléfono de comunicación inmediata cos servizos de urxencia.
- 2) Disporá dun botiquín que conteña como mínimo, desinfectante e antiséptico autorizado pola axencia española de medicinas e produtos sanitarios, gasas estériles, algodón hidrófilo, vendas, esparadrapo, apósitos adhesivos, tesoiras, pinzas e luvas dun só uso.
- 3) As instalacións disporán de aros salvavidas, como elementos de seguridade necesarios para evitar ou minimizar o risco de afogamento e que complementen a actividade da persoa socorrista.

3. Información ao público:

1. O aforo total da instalación é de 192 persoas. O afora do vaso grande será de 156 persoas e o do vaso pequeno de 36 persoas.
2. Prohíbese a entrada na instalación a persoas con enfermidades infecto-contaxiosas.
3. Obrigación de respectar en todo momento as indicacións do persoal e socorristas.
4. Prohibido realizar actos que perturben, molesten ou poñan en perigo a outros usuarios, dificulten ou obstaculicen o desenrolo de actividades dirixidas, supoñan dano material para as instalacións ou afecten a hixiene en xeral.
5. Prohíbese o abandono de desperdicios dentro do recinto da instalación.
6. Non se emprestará material auxiliar e só se permitirá o uso persoal de material de flotación naqueles casos estritamente necesario.
7. Prohibido correr polo borde do vaso.
8. Prohibido tirarse de cabeza.
9. Prohíbese o acceso a menores de 8 anos bañarse sos e todo aquel menor que non saiba nadar.
10. Prohíbese a entrada na zona do baño con calzado da rúa.
11. Obrigatorio o uso de chanclas na zona de praia da piscina e baños.
12. Prohíbese o paso de animais. Excepto que se trate de cans guía.
13. Antes do baño será obrigatorio o uso das duchas, asegurándose o usuario de eliminar na mesma cremas, sucedades e restos que poidan quedar nos pés, antes de acceder ao vaso.
14. Prohíbese comer e beber na instalación salvo no espazo persoal localizado na zona de toallas.
15. Prohíbese a entrada e consumo de bebidas alcohólicas na instalación.
16. Prohíbese fumar dentro da instalación.
17. Prohíbese o uso de sombrillas ou similares no céspede da piscina.
18. Permítese o acceso de sillas de bebé ao recinto, pero prohíbese o paseo do mesmo pola instalación. Deberá permanecer no seu perímetro habilitado.
19. Non está permitido o uso de pañais, por criterios hixiénicos, dado que o seu uso non elimina, senon que enmascara a fonte de contaminación bacteriana.



20. Prohibido tomar fotografías ou secuencias vídeo gráficas de outros usuarios sen un consentimento expreso.

21. Recomendase o uso de gafas específicas de natación.

22. A instalación permanecerá pechada sempre que as condicións meteorolóxicas, por necesidades de mantemento ou algún problema técnico que impidan ou dificulten o seu uso .

23. A dirección reserva o dereito a aplicar calquera outra normativa que considere oportuna, en beneficio do bo uso e sostenibilidade das instalacións.

4. Apertura e horario :

A apertura da instalación será o día 1 de xullo de 2024, con horario de luns a domingo de 15:00 a 20:30 horas.

5. Taxas :

Segundo a Ordenanza Fiscal número 18, reguladora da taxa por prestación de servizos de piscina municipal e escolas deportivas, quedarían da seguinte forma:

TAXAS CARNET

- ADULTOS : 15,00 €/mes
- MENORES 14 ANOS E MAIORES 65 ANOS : 6,00 €/mes
- O pagamento destas taxas farase mediante transferencia bancaria no número de conta: ES20 2080 0071 2331 1000 0013 (Será necesario entregar o xustificante de pago para a formalización da inscrición na oficina de cultura do Concello de Coristanco.)

TAXAS ENTRADA

- ADULTOS: 2,00 €/día
- MENORES 14 ANOS E MAIORES 65 ANOS: 1€/día
- O pagamento destas taxas será mediante tarxeta bancaria.

SEGUNDO.- Dispoñer a apertura da piscina o día 1 de xullo de 2024, no seguinte horario, de luns a domingo de 15:00 a 20:30 horas e peche o día 31 de agosto de 2024.

TERCEIRO.- Dar coñecemento destas normas para o uso da instalación mediante publicación no taboleiro de anuncios e redes sociais do Concello de Coristanco.

CUARTO.- Contra esta resolución que pon fin á vía administrativa cabe a interposición de recurso contencioso-administrativo no prazo de dous meses. Con todo, poderá, con carácter potestativo,



CONCELLO DE
CORISTANCO

Avda. Finisterre, 112 - SAN ROQUE – TRABA
15147 - CORISTANCO - A Coruña
Tlf. 981 73 30 01 - Fax: 981 73 33 97 - correo@coristanco.gal
www.coristanco.gal
R. E. L. nº 01150294

exp. 2024/G003/000579

presentar recurso de reposición ante o propio órgano que ditou a resolución no prazo dun mes, nese caso o prazo para a presentación do recurso contencioso administrativo empezará a contarse desde a notificación da resolución expresa do recurso.

Igualmente advírteselle a posibilidade de interposición de calquera outro recurso que estime pertinente (art. 88 da Lei 39/2015, do 1 de outubro).

QUINTO.- Dar conta ao pleno na vindeira sesión que se celebre.

Coristanco, asinado electrónicamente polo alcalde Juan Carlos García Pose, e a secretaria municipal, Elena González López, na/s data/s que figuran nas sinaturas electrónicas.